

Caka - Yamditini Deftere Ceniinde - Healing Scriptures

Maatiyu 4:23,24 Yeesu yahi koo toye nder leydi Galili, e mo ekkitina nder cuudi do'aare mabbe, e mo wa'ajina Habaru Beldum dow Laamu Yehowah, nden e mo yamditina koo iri dume nyawu e ciya njamu nder yimbe. 24 Habaru maako sankiti koo toye nder leydi Siiriya. Yimbe ngaddanimo fuu nyawbe, piidoobe e nyawuuji feere-feere, e piidoobe e nawdum balli, e goodube ginni, e ngoodube padde, e jaraabe, o yamditinibe.

Maatiyu 8:16,17 Nde futuro wadi, yimbe ngaddani Yeesu goodube ginni dudbe. O metanidi wolde go'o di mburtii. O yamditini fuu be njamdaa. 17 Non wadii ngam dum hebbina ko Yehowah wi'i daga honduko Annabi Icaaya, wiiki, "O itti nyawuuji meeden, o yamditinii'en."

Maatiyu 9:35 Yeesu yahi garije mawde e ngarihoy pamaroy fuu, e ekkitina nder cuudi do'aare di Yahuudanko'en, e wa'ajina Habaru Beldum dow Laamu Yehowah, e mo yamditina yimbe goodube koo iri dume nyawu, e koo iri dume ciya njamu.

Maatiyu 10:1 Sey Yeesu noddi tokkubemo sappo e dido, o hokkibe bawde wurtinki ginni e yamditinki yimbe daga koo iri dume nyawu e ciya njamu. (Markus 3:14,15)

Maatiyu 10:8 Njamditinee nyawbe, umminee maybe daga mayde, njamditinee goodube nyawu nyaamoojum laral, mburtinanee yimbe ginni. Mi hokkii'on bawde yamditinki yimbe caahu, ngam non njamditinee yimbe caahu.

Maatiyu 11:5 wumbe e mbumta, jaraabe e njaaba, goodube nyawu nyaamoojum laral e njamditinee, pahube e nana, maybe e umminee, be ngalanaa e nga'ajinanee Habaru Beldum. (Icaaya 35:5)

Maatiyu 12:15 Nde Yeesu faami ko be ciryotoo, sey o ummii o ali wigeere nden. Sey yimbe dudbe tokkimo, o yamditinibe be fuu, 16o wagginibe to' be mbi'aka koo moye kanko o moye.

Maatiyu 15:30 Yimbe dudbe ngari to maako, be ngaddoyi be koyde jaraade, e wumbe, e layoobe, e be mbaawataa metuki, e wobbe dudbe goodube nyawuuji. Be ndesibe yeeso maako, sey o yamditinibe.

Maatiyu 17:20 Yeesu nootii wi'ibe, "Ngam hoolaare moodon famdii. E mi wi'a'on goonga, daa on ngoodi hoolaaki famdirki bo gabbel mastat, on mbaaway mbi'on hocceere nde'e, 'Itta daga do'o, yahu daa'e,' sey nde wada ko mbiidon. Walaa boo ko salorta'on.

Markus 1:34 Yeesu yamditini dudbe goodube nyawuuji feere-feere. O wurtinani yimbe dudbe ginni, o hadidi metuki ngam e di andimo.

Markus 3:10 O wadu non ngam o yamditinii yimbe dudbe haa nyawbe dudbe ngadi ka fiiduki ngam be meemamo.

Markus 6:5,6 Yeesu waawaayi waduki goddum kaydiniidum ton, sey ni yimbe

sedda be njamdaa o yowi juude maako dow mabbe o yamditinibe. 6 O haydini ngam be koolaakimo. Yeesu e yiiloo e ekkitina nder ngarihoy.

Markus 6:13 Be mburtinani yimbe dudbe ginni, dudbe be njamdaa boo be moytanibe nebbam be njamditinibe.

Markus 6:55,56 Yimbe ben ndoggi be njahi koo toye nder leydi ndin, e be ngaddoya nyawbe dow mbe"itaari to Yeesu koo toye to be nani o woni. 56 Koo toye to o yahi, koo nder ngarihoy, koo nder garije mawde, koo nder gure ladde, yimbe e pukkina nyawbe nder luumo, be toroomo nyawbe ben meema koo cilmbi togoore maako. Fuu meemubedi njamdsiti.

Markus 8:23-25 Yeesu jogii jungs bumdo on, yaarimo ton gada gariyel, tuttanimo joode to gite yowi juude muudum dow maako, sey yamimo, wi'i, "A yi'i godsum?" 24 Sey bumdo on yefti hoore, raari, wi'i, "E mi yi'a yimbe, ammaa e be nandi e ledde e be ngiiloo." 25 Sey Yeesu fudditi meemi gite den. Bumdo on mabbiti gite bodsum, gite maako njamdsiti, o yi'i koo dume bodsum.

Markus 9:29 Yeesu nootii, wi'i, "Iri ngo'ol ginnol ngol wurtataako sey e do'aare."

Markus 16:17,18 Fuu koolibeyam be ngaday kuude kollayde e be ngoodi bawde Yehowah. Nder inde am be mburtinay ginni, be ngaday do'aare nder demde de be andaa. 18 Be nangay boole e juude mabbe, nden to be njarii tooke, de ngadantaabe godsum. Be boo njowanay nyawbe juude, nyawbe ben njamdsita."

Luka 4:18 "Ruuhu Joomiraawo e dow am, ngam o subiiyam mi hokka be ngalanaa Habaru Beldum. O liliiyam mi wadda habaru yoofuki maccube, mi wumtina wumbe, mi wada dum ala torreteebe ndilla,

Luka 4:40 Nde naange hiiri, yimbe ngaddani Yeesu goodube nyawuuji feere-feere, o yowi juude maako dow koo moye nyawdo, o yamditinibe.

Luka 5:15 Ammaa koo nde Yeesu hadiimo wi'ukika, habaru dum woddinii, yimbe dudbe ngari ngam nanuki ekkitinol maako e yamditineeki daga nyawuuji mu'en.

Luka 5:17-25 Wonde nyalnde Yeesu e nder ekkitinki, Faarisanko'en e moodibbe Attawra e njoodii don yiwoybe ngarihoy fuu ngonkoy nder leyde Galiili e Yahuudiya e gariiri Urucaliima. Bawde Joomiraawo e wondi e maako, e mo yamditina nyawbe. 18 Sey wobbe ngaddi goddo jaraado dow daago, be dabbitti fatal ngal be nattinirtamo nder wuro ngon, be pukkinamo yeeso Yeesu. 19 Ammaa be mbaawaayi nattinkimo ngam yimbe duudii, sey be yentinimo dow suudu ndun, be njulindu, be njippinimo daga dow mayru yaaki hakkunde yimbe yeeso Yeesu. 20 Nde Yeesu yi'i hoolaare mabbe, o wi'i jaraado on, "Higo, dum yaafanakema hakkeeji maada." 21 Sey Faarisanko'en e moodibbe Attawra puudi metitaaki hakkunde mabbe, e be mbi'a, "O'o dum moye pottidinoowo hoore muudum e Yehowah? Moye waawata yaafaaki hakke to naa' Yehowah?" 22 Yeesu faami nyumo mabbe, o wi'ibe, "Ngam dume nyumoton iri nyumooji di'i nder berde moodon? 23 Ko buri hoyki, dum

wi'a, 'A yaafanaama hakke maada,' koo dum wi'a, 'Umma yaabu?' 24 Ammaa e mi yidi andon Bii Neddo e woodi laamu nder duuniyaaru yaafuu hakke." Sey o wi'i jaraado on, "E mi wi'imaa, umma, koccaa daago maada, kootaa wuro!" 25 Don e don o ummii yeeso mabbe, o hucci daago maako, o hooti wuro, e mo manta Yehowah.

Luka 6:17-19 Sey Yeesu jippodii e mabbe o darii e njayri. Tokkubemo dudbe e don e yimbe dudbe yiwoybe daga leydi Yahuudiya fuu, e Urucaliima, e leydi Taaya e Sidon haade mbeela. 18 Be ngaroyi ngam nanukimo e yamdineeki daga nyawuuji mabbe. Be ginni torrata njamdinnaa. 19 Wonbe don fuu e baddoo ngam meema Yeesu, ngam bawde e mburtoo daga nder maako, e mo yamditina koo moye.

Luka 7:21,22 E carel ngel Yeesu yamditinii yimbe dudbe ngoodube nyawuuji, o wurtinii ginni, o wumtinii wumbe dudbe. 22 O wi'i lilaabe Yahaya, "Njahee, mbi'on Yahaya ko ngiidon e ko nanudon: wumbe e mbumta, jaraabe e njaaba, goodube nyawu nyaamoojum laral e njamditinee, pahube e nana, maybe e umminee, be ngalanaa e nga'ajinanee Habaru Beldum.

Luka 8:2 e wobbe rewbe burtinanaabe ginni e jamditinaabe daga nyawuuji. Kambe ngoni Maryaama yiwoydo Magadala, mo ginni joweedidi mburtii nder muudum,

Luka 9:2 O lilibe be nga'ajina Laamu Yehowah, be njamditina be njamdaa.

Luka 9:11 Ammaa nde yimbe dudbe hawrutube ngi'i non, be tokkimo. O jabbibe, o metanibe dow Laamu Yehowah. O yamditini gidbe yamditineeki.

Luka 13:12 Nde Yeesu yi'imo, noddimo haade, wi'imo, "Bandiraawo, a hoyii daga nyawu maada."

Luka 13:32 O wi'ibe, "Njahee mbi'on dilaaru ndun don, 'Raiddum, hande e jaango mi wurtinay ginni mi yamditinay be njamdaa. E nyalnde tatawre mi yottinay kuugal am.'

Yahaya 5:8,14 Sey Yeesu wi'imo, "Umma koccaa daago maada, njaabaa." 14 Gada non Yeesu tawimo nder Wuro Ceniingo wi'imo, "Raa, a yamditii! Alu waduki hakke to' godsum burdum du'um halluki hebumaa."

Yahaya 14:12 E mi wi'a'on goonga, koo moye kooliidojam huway kuude de kuwumi, haa maa o huwa kuude burde de kuwumi, ngam mi yahay to Nyaako Mo Dow.

Kuude Lilaabe 3:6 Biiturus wi'imo, "Mi walaa ceede, ammaa mi hokkete ko ngoodumi. Nder inde Yeesu Almasiihu Najarankeejo, e mi wi'imaa, umma, njaabaa!"

Kuude Lilaabe 5:15,16 haa dum warti yimbe e koccoya nyawbe, e be mburtonyabe dow date, e be pukkinabe dow leece e daage, ngam to Biiturus warii koo dowdi maako maa tan meema wobbe mabbe. 16 Yimbe dudbe daga ngarihoy piliikoy Urucaliima maa ngaddingaddini nyawbe e goodube ginni. Be fuu boo be njamditinaa.

Kuude Lilaabe 10:38 On andi no Yehowah subiri Yeesu Najarankeejo, e no o

hokkrimo bawde Ruuhu maako. On andi no Yeesu yiilori nder garije fuu e mo huwa kuude bodde, e mo yamditina be Ceydan torrata fuu ngam Yehowah e wondi e maako.

Kuude Lilaabe 19:11,12 Yehowah wadi kuude kaydiniide mawde daga juude Bulus de dum meedaayi yi'uki. 12 Haa maa lefoy e kolte meemude bandu maako fuu e njaaranee nyawbe, e be njamdit, ginni maa mburtoo nder mabbe.

Roomanko'en 8:26 Non maa, Ruuhu Yehowah e walla'en to tampuden. Ngam en andaa no haani ngadiren do'aare, ammaa Ruuhu Yehowah e hoore maajum e toroo Yehowah ngam meeden carel ngel ndulluden ko mbi'eten en otta.

1 Korintiyanko'en 12:9 Kanjum hokkata goddo dokkal hoolaaki Yehowah, nden goddo boo dokkal yamditinki nyawbe,

1 Korintiyanko'en 12:28 Nder kawtal tokkube Yeesu, arande Yehowah wartirii wobbe lilaabe, wobbe boo o wartiriibe annabo'en, nden wobbe ekkitinoobe, wobbe boo gadoobe kuude kaydiniide, wobbe boo yamditinoobe nyawbe, wobbe boo walloobe, wobbe ardiibe, wobbe boo gadiroobe do'aare demde de be andaa.

Filibiyanko'en 2:27 Goonga o wadii ciya njamu haa o badake o maaya. Ammaa Yehowah yurminaniimo, naa' kanko tan, haa e min, ngam to' wannaare duudanayam.

Yaakubu 5:14 E woodi goddo mo yamdaa nder moodon? Too, o nodda mawbe nder kawtal tokkube Yeesu, be ngadanamo do'aare, be ngadanamo nebbam dow hoore nder inde Joomiraawo.

1 Biiturus 2:24 Kanko e hoore maako jabi o yowanee hakke dum ngadufen o bilee dow gaafaangal. O wadu non ngam laawol mayde maako alen waduki hakke, njoodooden jonde aadilaaku. No aayaare wi'i, "Barka nawnoode maako on njamditii." (Icaaya 53:5)

3 Yahaya 1:2 Gido am, e mi wadanmaa do'aare koo dume yahanmaa boddum kebaa njamu bandu, non no andirmi sumpo maada e Yehowah e yaha boddum.

Gurtaaki 15:26; Tooktaaki Tawreeta 7:15 not get diseases of Egypt.

Icaaya 58:8 Yehowah heal speedy.

Irmiya 30:17; Irmiya 33:6 Yehowah heals